

Վ. ԿՈՐՈՆԵՆԿՈ

ԳՆՎԱԾ ՏՂԱՆ

891.710
4-58

32-K
ՍՁ 1663
891-715
4-78

Վ. ԿՈՐՈՆԵՆԿՈ

30 MAY 2011

Գ Ն Վ Ա Ծ Տ Ղ Ա Ն

Թարգմ. Հ. Տ. ԱՎԱԳՅԱՆ
Նկարները
Վ. Պ. ՎԱՍԻԼԵՎԱՅԻ



ՊԵՏՂՐԱՏ
ՀԼԿՑԵՄ ԿԿ ԿԻՑ ԾԱՆԿԱՊՈՏԱՆԵԿԱԿԱՆ ԲԱԺԻՆ
ՅԵՐԵՎԱՆ 1 9 3 7

ՓՈՔՐԱՀԱՍՈՎ ՅԵՐԵՎԱՆԵՐԻ ՀԱՄԱՐ

Խմբագիր՝ Ռ. Զ ա ռ յ ա ն
Տեխ. խմբագիր՝ Լ. Ո հ ա ճ յ ա ն
Սրբագրիչ՝ Ռ. Ն ա ա ճ յ ա ն

Գլավոր լիազոր Կ-1535, հրատ. 3981

Պատվեր 251, արժ 3000

Պատկերատի տղարան, Յերևան. II Կնուխյանցի, 4



60747-67

Այն տունը, վորի մեջ մենք ապրում ելինք, գտնվում եր դեպի փոքրիկ հրապարակը տանող նեղ նրբանցքում: Այդ հրապարակում միանում ելին մի քանի փողոց, վորոնցից յերկուսը տանում ելին դեպի գերեզմանատուն:

Այդ փողոցներից մեկը կոչվում եր «Խճուղի»: Այդ փողոցով անցնում ելին փոստատար սալակները զանգակները կապած, և վորովհետև, հենց այդտեղ եր վերջանում քաղաքի ամենամարդաշատ մասը, դրա համար ել յերբեմն փոստատարները կանգնեցնում ելին ձիերը և արձակում զանգակները: Այդտեղից արդեն փոստը շարժվում եր զրընգոցով, վոր աստիճանաբար թուլանում եր, անընդհատ հեռանալով ու նվազելով, մինչև վոր սալակն ել, նույնպես անընդհատ փոքրանալով, դառնում եր մի փոքրիկ կետի չափ:

Յես ու յեղբայրս մեր նրբանցքի անկյունից կամ ցանկապատի վրայից հաճախ նայում ելինք, թե ինչպես են անհայտանում հեռվում փոստի սալակները, բարձր հրեական «բալագուլները», ծանրաշարժ հանրակառքերը, գլուղացիների սալերը:

Այդ փողոցը քանի հեռանում, այնքան բարձրանում եր, այդ պատճառով ել այն բոլորը, ինչ վոր մոտենում եր քաղաքի կենտրոնին, կարծես գլորվում եր ներքև... Յեվ յես դեռ հիմա ել հիշում եմ այն զարմանքի զգացումը, վոր համակեց ինձ իմ ամենավաղ մանկութան ժա-

մանակ, չերբ հորիզոնի լետից դուրս լեկած փոքրիկ քառակուսի մի բլիժ սկսեց մեծանալ, մոտենալ, և մի վորոշ ժամանակից հետո զորասլունները բռնեցին ամբողջ փողոցը, լցնելով այն հազարավոր վոտքերի դոփուլունով և սվազախմբի խլացուցիչ հնչյուններով: Ջինվորները գլխ- ներին կլոր գդակիկներ ունեցին առանց հովարների և հագել էյին խիստ մաշված կարճիկ բաճկոնիկներ: Սպա- ների գլխներին կային կոշտ կիվերներ իրենց փետրափըն- ջերով և մետաղյա կոններով: Նրանք բոլորը գնում էյին համաչափ, վոտք-վոտքի և ինչ-վոր խստասիրտ բան կար այդ համաչափ շարժման մեջ:

Բոլորն ասում էյին, վոր նրանք վերադառնում են «Աւաստոպոլի մոտ» մղած պատերազմից:

Խճուղով անցնում էյին նաև կալանավորներ, զըն- գացնելով իրենց շղթաները, իսկ մի անգամ ել անց կաց- րին մի մռալ մարդու «առևտրական պատիժ»* տալու համար: Առջևով գնում եր զինվորների մի դասակ և չորս թմբեկահարներ խոփու ու համաչափ թմբեկահարում էյին... Թմբեկահարների յուրաքանչյուր քայլին թմբուկները վեր էյին բարձրանում նրանց ձախ վոտքի վրա, բայց թմբուկ- ների ձայնը հոսում եր առանց ընդհատվելու, նույնքան համաչափ ու չարագուշակ: Նրանց լետից գնում եր սաչ- լը, վորի վրա դրված եր մի բարձր նստարան և այդ նըս- տարանի թիկնակին կապել էյին նրա վրա նստած մարդու գեպի լետ տարած ձեռքերը: Նրա բաց գլուխը խիստ կախ եր ընկել ու տարուբերվում եր, չերբ կոտքը ցնցվում եր սալահատակի վրա, իսկ կրծքին թեք կախված եր մի տախտակ վրան սպիտակ տառերով գրված: Յեվ այդ ամ- բողջ մռալ կերպարանքը բարձր եր լողում ամբոխի վրայով:

* «Առևտրական պատիժ» — այդպես կոչվում եր, ցարական Ռուսաստանի որենքներով, խարազանով պատժելը մարդաշատ առևտրական հրապարակներում, զանազան հանցաքնների համար:

Վարձես իշխելով մարդկային սրընթաց հոսանքին: Սալլի լետից գնում եր զինվորների մի դասակ և խիտ խոնված շարքերով վազում եր ժողովուրդը: Մեզ, իհարկե հրապա- րակ չթողին, բայց սպասավոր Գանդիլոն, վոր այնտեղ եր վազել մարդկանց լետից, մեծ վոզեորուլթյամբ պա- մում եր հետո խոհանոցում, թե ինչպես դահիճը պառկեց- րեց «մարդասպանին» պատժարանի վրա դրված իշտանու- կի վրա, ինչպես ձգում-բացում եր մտրակը և դրա հետ իբր թե ասում:

— Հայրդ ու մայրդ քեզ չեն խրատել, դե չես կխըա- տեմ քեզ:

Հետո բացականչում եր՝ «Ձգուլը, կվառեմ», և սպա ամբողջ հրապարակով մեկ լավում եր մտրակի շաչյունը և պատժվողի անբնական գոռոցը: Մեր ծառայող կանան- ցից շատերը նույնպես բացականչում էյին ու խաչակըն- քում լերեսները:

Ընդհանրապես շատ հետաքրքիր, նոր և լերբեմն սար- սափելի բաներ էյին շարժվում այդ լերկար, ուղիղ խճու- ղով...

Մեր բակը հարմար ու խաղող բակ եր: Մեծ փողոց- ներից նա անջատված եր լերկու քարե տներով: Այդ քա- րաշեն տներից մեկում ապրում էյին մեր տան տերերը, վորոնց բնակարանն ու կահավորումը չափազանց ճոխ և հարուստ էյին թվում ինձ: Դարբասը բացվում եր նըր- բանցքի վրա և նրա վրա ցածր կախված իրեն հին, արձա- թագույն կաղամախու խիտ ճյուղերը: Տանտիրոջ սալակի կառապանը, վոր իր գորշ լիվրեյով շատ նշանավոր տեսք ուներ, դարբասից ներս մտնելիս ամեն անգամ ստիպված եր խիստ կռանալ վորպեսպի, ճյուղերը վայր չգցեն նրա բաֆթայավոր ժապավենով ու հանգուլցցով բարձր գդակը: Մեր կողաշենքը կանգնած եր բակի խորքում, և մի կող- մից միանում եր քարե տանը, իսկ նրա մյուս կողմից ձգվում եր խիտ այգին:

Մեր բակի կյանքը խաղաղ եր անցնում, միանգամ ընդմիջտ սահմանված կարգ ու կանոնով: Իմ մեծ լեղբայրը յերկուս ու կես տարով մեծ եր ինձնից, իսկ փոքրը հազիվ մի տարով եր փոքր: Յեվ դրանից եր, վոր, բնականաբար, փոքր լեղբորս հետ մենք սաստիկ մտտիկ ելինք: Վեր ելինք կենում մենք շատ վաղ, յերբ յերկու տներն ել դեռ պինդ քնած ելին լինում: Միայն ախոռում ձիապանները մաքրում ելին ձիերին ու տանում նրանց դեպի ջրհորը: Յերբեմն մեզ թուլլ ելին տալիս բռնել նրանց սանձերից, և այդ վտահուլթյունը սաստիկ բարձրացնում եր մեզ մեր սեփական աչքում:

Ձիապաններից հետո արթնանում ելին աղախիններն ու գնում սարայ՝ փայտ բերելու:

Ժամն ութ անց կես բերում ելին հորս բրիչկան և նա գնում եր ծառալուծյան: Այդ կրկնվում եր ամեն օր և մեզ բնության որենք եր թվում...

Յուրաքանչյուր առավոտ տանտիրոջ քարե տան՝ նկուզային հարկի անկյունի սենյակում, վորոչված ժամին անփոփոխ տեղի յեր ունենում միևնույն յերևույթը: Սկզբում ցնցվում եր ծածկափեղկի յերկաթյա փականը և մեկը ներսից դուրս եր հրում բոլոր, վորով ծածկափեղկերը փակվում ելին գիշերը: Յերկաթյա շերտը, կարծես կենդանացած, յետ եր քաշվում, հետո զրնգալով վայր ընկնում, և այդ ժամանակ ինչ վոր մեկի ձեռքն օդանցքի միջով վերջնականապես բացում եր ծածկափեղկերը: Դրանից հետո ինքը լուսամուտն ել, վոր գետնի հետ հավասար եր, բացվում եր և նրա մեջ հայտնվում եր գիշերային թասակով ծածկված մի մարդու գլուխ:

Դա մի տնվոր եր, հասակավոր ամուրի մի մարդ, — պան Ուլյանիցկին: Նա դուրս եր հանում իր փոքրիկ մորուքով և սապատավոր քթով սուր պրոֆիլը և անհանգիստ հայացք եր պցում մեր կողաշենքի լուսամուտների վրա:

Մեծ մասամբ մեր ծածկափեղկերը դեռ փակ ելին լինում: Համոզվելով այդ բանում, պան Ուլյանիցկին նորից սուղվում եր իր սենյակի խորքը և շուտով լուսամուտի գոգին արդեն ամբողջովին յերևում եր նրա փոքրիկ, չոր կերպարանքը, գիշերային թասակով և խայտաբղետ խալաթով, վորի տակից յերևում ելին տակի սալտակեղենն ու հողաթափները՝ բոբիկ վոտքերին:

Մենք զիտելինք, վոր նրա անհանգիստ հայացքները վերաբերում են գլխավորապես մեր տանը՝ նա չեր ուզում, վոր իր առավոտվա կիսահագուստով նրան տեսնի մեր հորաքույրներից մեկը, վորին նա յերբեմն ուղեկցում եր չեկեղեցի: Ուլյանիցկու կերպարանքն այդ առավոտվա ժամին իսկապես վոր շատ անդուրեկան տեսք եր ունենում, խալաթը ճմլված ու կտրտված, հողաթափները մաշված, սալտակեղենը՝ կեղտոտ, իսկ բեխերը՝ խռիվ:

Նորից սուղվելով իր սենյակի մեջ, պան Ուլյանիցկին սկսում եր իրեն կարգի բերել: Դա մի բարդ և յերկարատև արարողութուն եր, առանձնապես սափրվելու գործողութունը, վոր հիշեցնում եր մի սրբազան արարողութուն: Մենք իրավունք ելինք վայելում այդ ժամանակ կանգնել գուրսը՝ բաց լուսամուտի առջև, իսկ մեր յետևից մեկ մեկ ել նայում եր քրոջս փոքրիկ յերեսը: Պան Ուլյանիցկին վոչինչ չուներ դրա դեմ և միայն, յերբ սկսում եր սափրվել, զգուշացնում եր մեզ, վոր հանգիստ մնանք, վորովհետև կանոնների մի փոքրիկ խախտումն այդ կարևոր ըոպելին, վտանգ ե սպառնում նրա կյանքին:

Մենք սրբությամբ կատարում ելինք այդ պայմանը և կրիտիկական ըոպելին, յերբ պան Ուլյանիցկին, բռնելով իր քթի ծայրից ու լեզվով թուշը ներսից ուռեցնելով, զգուշությամբ շարժում եր ածելին, այնպես, վոր բեխերը չփասի, կամ յերբ սափրում եր մորուքը կոկորդի մոտ, մենք աշխատում ելինք նույնիսկ շունչներս պահել


մինչև վոր նա վերջին անգամ սրբում եր ածելին և հավաքում ածլասարքը: Իրանից հետո նա լվացվում եր, վիզն ու այտերը մոլեզնաբար տորում սրբիչով, պուզրի յեր քսում յերեսին, Ֆիքսատուարում եր ու ձգում բեխերի ծայրերն և ապա անցնում շիրմայի յետևը: Քառորդ ժամ հետո նա դուրս եր գալիս այնտեղից արդեն անճանաչելի, լասամանի գուլնի կարճ անդրավարտիկով, լաքած կոշիկներով, բաց գուլնի ժիլետով և կլորացրած Փալդերով կապույտ սերթուկով: Նրա յերեսն ել կարծես թե կոկված եր լինում՝ տորովածուխյունն ու կնճիռներն անհայտանում ելին: Այդպիսի նորոգված տեսքով նրա յերևալը մեզ վրա միշտ ուժեղ տպավորություն եր գործում, և նրան այդ դուր եր գալիս: Յերբեմն, կոճկելով իր սիրունիկ սերթուկի վերջին կոճակը, նա նայում եր մեզ պարզ նկատելի ինքնագոհությամբ և ասում.

— Հը՞, վո՞նց, ի՞նչ...

Մեր հարաբերությունները պան Ուլյանիցկու հետ այդ ժամանակ շատ լավ ելին: Նա ծիծաղելի յեր թվում իր այժի մորուքով և կարճ, նեղլիկ անդրավարտիք հագած բարակ տոտիկներով: Բայց այդ բոլորն անվնաս բաներ ելին, իսկ ամենուրյա նորոգման գործողությունն առաջացնում եր վոչ միայն բնական հետաքրքրություն, այլ և վորոշ պատկառելի զարմանք:

Սակայն վորոշ ժամանակ անցած՝ մեր հարաբերությունները պան Ուլյանիցկու հետ փչացան:

Մի գեղեցիկ որ նա գտավ, վոր իր համար այնքան ել հարմար չի ծառա չունենալը: Այդ բանն ի նկատի ունենալով՝ նա իրեն ծառա վարձեց տանտիրոջ աղախնի տղալին, Պետրիկին: Աղախինը, «պանի Ռիմաշևսկայան», վորին անվանում ելին Լյուբա, շատ հաստ և ճղճղան կին եր: Առհասարակ նրա մասին ասում ելին, թե դա կին չե, այլ զև ե: Իսկ նրա տղան հանդարտ տղա յեր ծաղկա-



Նա նայում եր մեզ պարզ նկատելի ինքնագոհությամբ և ասում.
— Հը՞, վո՞նց, ի՞նչ...

տար, գունատ չերեսով, և բացի այդ տառապում եր քայ-
քայիչ շերմախտով: Սաստիկ ժլատ Ուլյանիցկին աժան
գնով եր վարձել նրան, և տղան ծառայության մտավ
անկյունի սենյակում:

Վերջացավ այդ մեծ խայտառակությամբ: Մի գեղեցիկ
որ Լյուբան, ձեռքերը կողքին կանթած, հայհոյում եր Ուլյա-
նիցկուն ամբողջ բակով մեկ և ըզավում, վոր նա իր տղա-
լին կարող ե պաշտպանել, վոր սովորեցնել, իհարկե, կա-
րելի լե, բայց վոչ այդպես... «Այ, նայեք, բարի մարդիկ,
ամբողջովին կապտեցրել ե տղի մեջքը»: Յեվ դրա հետ Լյու-
բան այնպես կատաղաբար վեր քաշեց Պետրիկի շապիկը,
վոր նա ճշաց ցավից, կարծես նրա ձեռքերում վոչ թե
իր տղան եր, այլ ինքը Ուլյանիցկին:

Վերջինս նստել եր իր սենյակում, և դուրս չեը գալիս
բարկացած կնկա գոռգոռոցներին, իսկ մյուս որն ելի
լերևաց լուսամուտի գոգում: Հաղնվելու ժամանակ նա
մեզ բացատրեց, վոր Պետրիկը—վատ, վատ, վատ տղա լե:
Յեվ նրա մայրն ել ստոր կին ե... և վոր նա հիմար ե,
իսկ նա, Ուլյանիցկին «կճարի իր համար մի ուրիշ տղա,
ավելի լավը»: Նա բարկանում եր, կրկնում խոսքերը և
նրա այժի մորուքը տմբտմբում եր բավական արտահայ-
տիչ կերպով:

Շուտով նա ժամանակավորապես գնաց գյուղ, վորտեղ
գեռ կենդանի լեր նրա ծերունի հայրը, և լերը վերադար-
ձավ, նրա լետևից գալիս եր մի սալ գյուղական զանազան
մթերքներով լիքը, իսկ սալի վրա նստած եր 10-11 տարե-
կան մի տղա, կարճիկ կուրտկայով, թուխ դեմքով և կլոր
աչքերով, վոր վախեցած նայում ելին իրեն անծանոթ
ըրջապատին: Այդ որվանից տղան բնակվեց Ուլյանիցկու
սենյակում, մաքրում եր, շուր բերում և ամանները ձեռ-
քին գնում ճաշարան՝ ճաշ բերելու: Նրա անունը Մա-
մերտ եր, կամ փաղաքչական՝ Մամերիկ, և շուտով բակում

հայտնի լեղավ, վոր դա վորբ ե և այն ել ճորտ, վորին
չգիտես հայրն եր նվիրել Ուլյանիցկուն, թե ինքն եր գնել
իր համար վորևե կարվածատիրոջից:

Յես բացարձակապես չեմ հիշում, վոր «տղա գնելու»
միտքն ինքն ըստ ինքյան վորևե գիտակցական բողոք
կամ դժգոհություն առաջացներ իմ մեջ: Բայց, համենայն
գեպս, այդ հանգամանքը նորեկին հետաքրքիր առարկա
եր դարձնում, վորովհետև մենք ամեն տեսակի տղաներ
տեսել ելինք, իսկ գնված տղա դեռ վոչ մի անգամ չելինք
տեսել: Յեվ դրա հետ, սակայն, մի ինչ վոր անորոշ բան
այնուամենայնիվ շարժվում եր մեր մեջ:

Իժվար եր ծանոթություն հաստատել գնված տղայի
հետ: Նույնիսկ այն ժամանակ, լերբ պան Ուլյանիցկին
գնում եր ծառայության, նրա տղան փակվում եր սե-
նյակում և դուրս եր գալիս միայն խիստ անհրաժեշտության
դեպքում՝ աղբը դուրս տանելու, շուր բերելու, ճաշ բե-
րելու համար: Յերբ մենք պատահած դեպքում մոտենում
ելինք նրան և խոսեցնում, նա դայլի ձագի պես եր նայում,
վախվորած ցած եր գցում իր սև, կլոր աչքերը և աշխա-
տում շուտ հեռանալ, կարծես մեզ հետ խոսելը նրա հա-
մար մի մեծ վտանգ եր ներկայացնում իրենից:

Կամաց-կամաց, սակայն, մոտիկությունն սկսվում եր:
Տղան դադարեց աչքերն իջեցնել, կանգ եր առնում,
կարծես խոսակցելու ցանկությունը գայթակղեցնում եր
նրան, կամ ժպտում եր, մեր մոտից անցնելիս: Վերջապես,
մի անգամ, հանդիպելով մեզ տան անկյունի լետևը, նա
կեղտոտ դուլը դրեց գետին և մենք սկսեցինք խոսել
իբար հետ: Հասկանալի լե, վոր ամենից առաջ մենք
սկսեցինք հարցնել, թե՛ «անունդ ինչ ե», «բանի տարեկան
ես», «վորտեղից ես լեկել» և այլն: Տղան հարցրեց մեզ
իր հերթին, թե մեր անունն ինչ ե և... մի կտոր հաց
խնդրեց:

Շուտով մենք բարեկամացանք: Ուլլանիցկին վերադառնում եր միշտ վորոշված ժամին, լարված մեքենայի նման, և մենք կարող էլինք նույնիսկ մտնել նրա սենյակը, առանց վախենալու, թե նա կբռնի մեզ սենյակում: Միաժամանակ մենք իմացանք, վոր մեր հարևանը ճիշտ վոր շատ չարասիրտ ժլատն է և սիրում է տանջել: Նա չի կերակրում Մամերիկին, այլ միայն լիզել է տալիս դատարկ ամանները և կրծել հացի կեղևները, և արդեն յերկու անգամ սաստիկ դնքսել է նրան առանց վորևե հանցանքի: Վորպեսզի տղան գուր չնստի ու ժամանակ չանցկացնի զանազան կապը կտրածների հետ (մենք գլխի ընկանք, վոր այդ հաճելի անվան տակ Ուլլանիցկին ի նկատի ուներ մեզ), նա նրան պատվիրում է փետուրը քաշել բարձերի համար և քաշված փետուրը ծախում է: Մենք հաց էլինք բերում Մամերիկին, վոր նա ուտում եր մեծ ազահուլթյամբ:

Յե՛վ տխուր սև աչքերի հայացքները, և՛ նրա թուխ դեմքի տխուր արտահայտութունը, և՛ իր պատմածները, և՛ այն ազահուլթյունը, վորով նա հարձակվում եր մեր բերած ուտելիքի վրա, — այդ բոլորը մեզ ներշնչում եր ինչ վոր հուզիչ, սուր խղճահարութուն դեպի գնված տղան և չարութուն՝ դեպի նրա տերը: Յե՛վ այդ չարությունը մի առավոտ արտահայտվեց մեր կողմից:

Խեղճ Մամերիկն ինչ վոր հանցանք եր գործել և դեռ նախընթաց որը նրան տանջում եր այն նախազգացումը, վոր պանն անպատճառ ծեծելու չե իրեն: Առավոտյան Ուլլանիցկին դուրս լեկավ շիրմայի լեռեից վոչ իր սովորական ինքնագոհ փայլով, այլ նրա յերեսին ինչ վոր խորհրդավոր արտահայտութուն կար: Նա առանց սերթուկի յեր, իսկ ձեռքերը պահել եր յետևը: Կանգ առնելով շիրմայի մոտ՝ նա կանչեց Մամերիկին և հրամայեց նրան ինչ-վոր՝ բան բերել: Բայց հենց վոր տղան յերկչոտ կերպով մոտեցավ, Ուլլանիցկին կատվի արագությամբ

բռնեց նրան, կռացրեց, սեղմեց գլուխն իր ծնկերի արանքում, իջեցրեց անդրավարտիքը և ողում սուլեց ճիպոտների փունջը: Մամերիկը հուսահատ ճչաց ու սկսեց նետվել դեռ ու դեն:

Մեր ընտանիքում առհասարակ փափուկ վերաբերմունք կար դեպի իրար, և մենք դեռ չերբեք չէլինք տեսել այդպիսի դաժան պատիժ: Մենք լուսամուտի առջև նույնպես ճչոց բարձրացրինք, թփթփացրինք վոտներս և սկսեցինք հայնոյել Ուլլանիցկուն: Բայց Ուլլանիցկին ավելի ու ավելի յեր կատաղում: Նրա դեմքը վատ արտահայտութուն ստացավ, աչքերը գուրս էլին ընկել, բեխերը կատաղաբար ցցվել էլին և ճիպոտներն անընդհատ սուլում էլին ողում:

Շատ հավանական եր, վոր մեր լացը կփոխվեր հիստերիկայի, բայց այդտեղ մեզ համար անսպասելի մի դեպք տեղի ունեցավ: Ուլլանիցկու լուսամուտին ծաղկամաններ կալին, վորոնք նա մեծ հոգատարությամբ խնամում եր: Ամենից ավելի մոտիկ կանգնած եր նրա սիրելի հափրուկը: Ինչ վոր հանկարծակի վողկորության մեջ, մեր փոքրիկ քույրիկը վերցրեց հափրուկն ու ամանի հետ միասին դեցեց հատակի վրա: Ամանը շարզվեց, հողը ծաղկի հետ միասին դուրս թափվեց: Պան Ուլլանիցկին մի ակընթարթ անշարժացավ, հետո թողեց Մամերիկին և մեզ համար անսպասելի կերպով նրա կատաղած յերեսը յերևաց լուսամուտում: Մենք գրկեցինք զրոջս ու սկսեցինք փախչել դեպի մեր պատշգամբը, վորտեղ և նստեցինք, զգալով մեզ անվտանգ մեր սահմաններում: Պան Ուլլանիցկին, իսկապես, կանգ առավ իր լուսամուտից վոչ հեռու և, ճիպոտները յետևը պահած՝ սկսեց մեզ կանչել քաղցր ձայնով, խոստանալով տալ մեզ մեկական կանֆետ իբրև հաշտության նշան: Բայց խորամանկութունը չափազանց ակնհայտ եր և մենք մնացինք մեր տեղը, բավական սառնասիրտ նայելով նրա խորամանկ շարժ ու ձևին...

Այդ նույն օրը, կամ առհասարակ դեպքից անմիջապես հետո մի տոն օր, մենք մորս ու հորաքրոջս հետ գնում էլինք փողոցով և մեզ մոտեցավ պան Ուլյանիցկին: Նա հագնված էր, ինչպես միշտ, պճնասիրաբար, նրա կոշիկները փայլում էլին շաքուղիչ փայլով, բեխերի ծայրերը ցցվել էլին յերկու մետաղալարի նման և սերթուկի ողում մի ծաղիկ կար: Յերբ նա մոտենում էր, իմ սիրտը մի փոքր թրթռաց, վորովհետև յես հավատացած էլի, վոր նա կզանգատվի մորս մեր ցուլցի համար: Բայց խիստ զարմացանք, վոր նա վոչ միայն չզանգատվեց, այլ և բռնեց մեզնից մեկի ծնոտն ու սկսեց կեղծ-քաղցրավուն ճայնով գովաբանել մորս առաջ «սիրելի ճուտիկներին», վորոնց հետ նա շատ բարեկամական հարաբերությունների մեջ է:

Այդ անհաշող վարմունքը նախ մեզ մեծ արհամարանք ներշնչեց, և յերկրորդ՝ մեզ ցուլց տվեց, վոր մի ինչ-վոր պատճառով Ուլյանիցկին թագցնում է մորիցս մեր միջև պատահած ընդհարումը: Իսկ յեթե թագցնում է, ուրեմն և մեղավոր է ճանաչում իրեն: Այդ կողմից մենք մեզ բոլորովին ապահով համարեցինք, և մեր ու Ուլյանիցկու միջև սկսվեց մի պատերազմ:

Յերեխաները յերբեմն զարմանալի գիտունակութուն են ունենում և զարմանալի կերպով ոգտագործում են այն: Պան Ուլյանիցկին շատ տարորինակութուններ ունենա յնա ժլատ էր, չէր կարող տանել, յերբ իր սենյակում և սեղանի վրա առարկաների տեղերը փոփոխվում էլին և վախենում էր կտրող գործիքներից:

Մի անգամ, յերբ նա ամբողջովին խորասուզված էր սափրվելու գործողության մեջ և, քթի ծայրից բռնած, լեզվով գուրս էր հրել սափրվող այտը, մեծ յեղբայրս ողանցքի միջով յետ արեց լուսամուտի փականը, զգուշությամբ իջավ սենյակն ու բացեց մուտքի դուռը: Այդպիսով, ապահովելով իր նահանջի ճանապարհը, նա սկսեց ինչ-վոր



Ջուսամուտի առաջ կանգնած, մենք սարսափած սպասում էլինք, թե ինչ պիտի լինի:

վայրենի պար պարել սենյակի մեջտեղում՝ ցատկոտում եր, ծռմովում, վոտքերը գցում գլխից վերև և բզավում վայրենի ձայնով՝ «Հոպ, շրբի, տա նա նա»...

Լուսամուտի առաջ կանգնած մենք սարսափած սպասում ելինք, թե ինչ պիտի լինի: Բայց մենք խիստ զարմացանք, չերբ տեսանք, վոր չարաբաստիկ ասպետը չի շարժվում տեղից: Նրա լեբեսի վրա վոչ մի մկան չշարժվեց: Նա նույնպիսի հոգատարությամբ բռնել եր քթի ծայրից, ածելելով բեխերի շուրջը, և նույն ձևով ուռեցնելով իր այտը: Այդ ժամանակ, տեսնելով, վոր ածիլվելու արարողությունը դեռ նոր է սկսվել, չես ու փոքր չեղբայրս մտանք սենյակ և միացանք մուլեզին պարին: Դա մի ինչ վոր մանկական կատաղություն եր՝ հատակի վրա ելին նետվում աթոռները, կախարանի վրայի շորերը, խողանակները: Մամերիկը սարսափած նայում եր այս աշխարհի վախճանին իր անմիտ չուած կլոր աչքերով: Միայն պան Ուլյանիցկին լիակատար սառնասրտություն եր պահպանում, անձեռոցիկը կապած կրծքին մինչև վիզը, ածելին ձեռքին և դեպի փոքրիկ հայելին թեքած աչքերով: Յեվ միայն ամենորյա ճշտապահությամբ վերջացնելով սափրովելը և գզուշությամբ դնելով ածելին պատյանի մեջ, նա հանկարծակի պոկվեց տեղից ու վազեց դեպի ճիպոտները: Մեծ չեղբայրս ծլկվեց դեպի բաց դուռը, իսկ մենք չերկուսով, վախեցած կատունների նման, թռանք դեպի լուսամուտը: Յես արդեն պատուհանի գոգումն ելի, չերբ ճիպոտները սուլեցին հենց իմ ականջի մոտ և առանց ցավեցնելու սահեցին մեջքիս վրայով...

Այդ որվանից պան Ուլյանիցկին սափրվելու պատրաստվելիս, խիստ հոգատարությամբ ծածկում իր լուսամուտաները: Բայց փեղկերը հին ելին, իսկ փականները վատ ամրացված: Տեսնելով, վոր Ուլյանիցկին արդեն սկսել է սափրվել, մենք համարձակ մոտենում ելինք լու-

սամուտին, մի փոքր չես անում ուղանքը, և գոյացած ձեղքից ներս տանելով բարակ փայտիկներ, նրանց ծայրով վայր ելինք գցում փականները: Ինչով բացատրել այդ, չես չգիտեմ, չերևի նրանով, վոր նա վախենում եր կարող գործիքներից, բայց չերբ ածելին ձեռքն եր առնում, Ուլյանիցկին արդեն չեր կարողանում ընդհատել դժվար գործը մինչև վերջացնելը: Յերբ մենք փորձում ելինք ավազակաբար ներս մտնել նրա սրբավայրը, նա միայն թեքում եր մի աչքը և նրա սառած չերեսին չերևում եր տագնապալից բարկության արտահայտությունը:

Յերբ մեզ հաջողվում եր բացել փականը, լուսամուտն աղմուկով բացվում եր և ծեր ասպետի սենյակում սկսվում եր վայրենիների պարը:

Մի առավոտ պան Ուլյանիցկին նորից չերևաց լուսամուտի մեջ, և ապա, մոտենալով մեր պատշգամբին, ու ինչ-վոր առանձին ձևով դիտելով մեր չերեսները, նա սկսեց հավատացնել, վոր նա, ճիշտն ասած, շատ, շատ է սիրում թե մեզ և թե իր սիրելի Մամերիկին, վորի համար նա նույնիսկ ուզում է մի նոր կապույտ կուրտկա կարել տալ, պղնձե կոճակներով, և խնդրում է, վոր մենք նրան ուրախացնենք այդ լուրով, չեթե վորևե տեղ պատահաբար հանդիպենք նրան:

Բանից դուրս չեկալ, վոր գնված տղան անհայտացել եր:

Միևնույն օրը փոքր չեղբայրս խորհրդավոր կերպով դուրս կանչեց ինձ սենյակից և տարավ ցախատուն: Այնտեղ մութ եր, բայց չեղբայրս համարձակ առաջ գնաց և, կանգ առնելով մեջտեղում, շվացրեց: Սկզբում ամեն ինչ լուռ եր, հետո մի բան շարժվեց անկյունում, ցախերի արանքում, և մեր առաջն չելավ Մամերիկը: Բանից դուրս չեկալ, վոր նա փայտի կույտի և պատի արանքում մի բնի նման բան է սարքել իր համար և արդեն չերկու օր

79-հտ09



ե, ինչ ապրում ե այդտեղ: Նա ասում եր, վոր ապրել «վոչինչ, կարելի չե», միայն ուտել ե ուզում ե գիշերներն սկզբում մի քիչ վախենում եր: Հիմա սովորել ե: Յերբ մենք հաղորդեցինք նրան, թե Ուլյանիցկին սիրում ե նրան ե ուզում ե կուրտկա գնել, նա վճռականորեն պատասխանեց.

— Չեմ գնա: Կրնկնեմ շրաղացի տակը կխեղդվեմ, չեմ գնա:

Այդ որվանից մենք ունեցինք մեր գաղտնիքը: Յերեկոները մենք Մամերիկի համար ուտելու բան ելինք բերում ե միասին դուրս գալիս գբոսնելու բախի մեկուսի անկյուններում: Դա շարունակվում եր դեռ մի քանի որ ել, մինչև վոր մայրս նկատեց մեր խորհրդավոր փսփսոցները: Նա ամեն ինչի մասին մեզնից հարց ու փորձ արեց ե պատմեց հորս: Տղայի վիճակով հետաքրքրվեցին մեծերը ե պան Ուլյանիցկուն կանչում եին ինչ վոր բացատրություններ տալու, նույնիսկ վերե, տանտիրուհու, պանի կալյանովսիու մոտ: Մենք հոգատարությամբ պահպանում ելինք ապաստարանի գաղտնիքը, վորովհետև շատ պինդ լեռգվել ելինք, վոր այդ գաղտնիքը վոչ վոքի չենք հայտնի աշխարհիս լերեսին: Այդ պատճառով ել, չերբ վերևում անձնատուր լինելու պայմանները մշակվեցին, ապա բանակցությունները շարունակվեցին մեր միջոցով, Մամերիկը վերջապես, վճռեց անձնատուր լինել, իսկ Ուլյանիցկու իշխանությունը սահմանափակված եր հասարակական կարծիքով: Ամբողջ բակին հայտնի չեր, վոր պանի կալյանովսկայան սպառնացել եր Ուլյանիցկուն «վոնդել անկյունի սենյակից»:

Մի քանի ժամանակից հետո, սակայն, նա ինքն ել հանկարծակի գնաց ինչ վոր տեղ: Գնված տղան ընդմիջտանհայտացավ ինչ-վոր տեղ, լայնարձակ, անհայտ աշխարհում ե նրա հետագա վիճակը մեզ անհայտ մնաց:



« Ազգային գրադարան



NL0392295

394

3853

ԳԻՆԸ 60 ԿՈՊ.

9007

1081

9007

В. КОРОЛЕНКО
КУПЛЕННЫЙ
МАЛЬЧИК

Гиз Арм. ССР, Ереван, 1937 г.